

Landespreis für Dialekt 2024  
Kategorie Literatur  
Förderpreis

Marlies Grötzinger  
Loslau  
Schwäbische Mundart



**DACHVERBAND  
DER DIALEKTE**  
Baden-Württemberg

Loslau

Loslau  
was mr nemme heba ka

Loslau  
wia d Bäum  
ihre Blädder  
em Herbscht

Zuagugga  
wia ses auskoschtet  
des Weile wo se frei send  
ganz frei

Zuagugga  
wia se ane  
erdwärts kreislet  
wenn dr Wend verschnaufet

Zuagugga  
wia se vertrauet  
dass se em Modderboda  
wieder Halt fendet

Loslau  
so leicht!  
Wia gera däts i lerna!